



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

XXVII. Markgraf Jobst gestattet den Bürgern zu Berlin, ihre Waaren zu Freienwalde oder Finow auszushippen, am 2. Oktober 1409.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

XXVI. Markgraf Jobst vereignet das Dorf Lichtenberg der Stadt Berlin,
am 25. Februar 1391.

Wir Jost, von Gots Gnaden Marggraf vnd Herr zu Merhern, bekennen offenlichen mit diesem Briefe allen den, die In sehen oder horen lezen, das wir mit wolbedachten Mute vnd mit Rathe Vnsers Rates hochlichen vorgeben vnd voreygend, vorgeben, voreygen als eyn Marggraf zu Brandenburg, vor Vns vnd Vnsere erben vnd nachkomen fürsten des Marggrafstoms tzu Brandenburg durch manchualdiges Dinstes willen, die Vns die Erlamen Ratmanne zu Berlyn, Vnse lieben getrewen vormals Vnsern Vorfaren Marggrauen zu Brandenburg vnd Vns getan haben vnd noch tun mogen, Als den Ratmannen, die nu sein vnd noch tzukunftig sind, vnd auch den gemeynen burgern zu Berlyn, yn ewigen tzeiten das dorff zu Lichtenberg mit allem rechte, also als das an Vns von Tzabel Rutenick seliger gedechtnusse gekommen ist, mit Oberisten vnd Nyderisten Gerichte in Dorffe vnd in Velde, mit allen huben, tzinsen, Renten, Tzehenden, Pflichten, Dinsten, Wagendinsten, acker gewonnen vnd vngewonnen, heiden, Puschin, Horsten, struchen, Wefen, Weiden, brache vnd Veltmarcken vnd alle Zugehorunge, die von alder dartzu gebort haben, vnd mit dem Kirchlehne. Ouch Vortziege wir Vns in dasselbe Dorff Lichtenberg alles angeuelles, libgedinges, Lehns vnd alles rechtes, die an Vns vnd an Vnsern erben vnd nachkomeligen des Marggrafstoms zu Brandenburg komen mochten oder geuallen, nichts nicht ufgenommen. Vor den eygentom haben Die Ratmanne von Berlin gegeben Hern Otten Pluch tzweihundert schock bemischer Grofschen, von schult wegen, die wir en pflichtig waren, dar wir Hern Otten, Vnsern liben getrewen, das Vorgenante gut Lichtenberg Vmb geligen vnd gegeben hetten. Ouch Vortzihe Wir Vns vor Vns vnd Vnser Erben vnd nachkomenden fürsten des fürstentoms der Marcke zu Brandenburg des Dinstes, den wir vnd Vnse Vorfaren Marggrafen zu Brandenburg vf Tzabel Rutenick vorgenumt Hof gehat haben vnd yn den vorgenanten Dorffe. Mit vrkunt ditz briues Vorfigelt mit Vnsirn anhangenden Ingefigel, geben zu Prag, Noch Crists Geburt Dreitzenhundert Jare, darnach in dem ein vnd newentzigsten Jare, des Sonnabends vor dem Sontag, als man singt Oculi.

Küster's und Müller's Berlin IV, 48. 49.

XXVII. Markgraf Jobst gestattet den Bürgern zu Berlin, ihre Waaren zu Freienwalde oder
Finow auszushippen, am 2. Oktober 1409.

Wir Jost, von Gotes Gnaden Marggraf zu Brandenburg, des Heiligen Romelichen Reichs Ertzcamerer vnd Marggraf zu Merhern, Bekennen offenlich mit diesem briue, das wir angefehen haben grofse Trewe vnd Liebe, die Vns Vnsere burger Vnsere Steie zu dem Berlyn vnd Kolen, Vnsere liben getrewen, vnd die ganze gemeyne daselbst offte vnd dicke getan vnd erzeyget haben, noch tun vnd erzeygen, vnd in zukünftigen Zeyten dester bas tun sollen vnd mogen, vnd darumb so haben wir den egenanten Vnsern burgern zu dem Berlyn vnd Kolen vnd der gantzen Gemeyne daselbst die Gnade getan vnd tun mit craft diles briues, als eyn Marggraf zu Brandenburg, das sye alles Ir gut vnd kawffmanschaft, als offte vnd dicke sye wollen, vnd In

das bedurfft sein wirdet, zu freyenwolde oder zu fynowe oder anderstwo, wo In das allerfredlichste vnd bequemblichsite ist zu schyffen vnd Ir Kaufmanschaft vnd gut Vfschyffen sollen vnd mögen von sunderlichen Vnfern Gnaden: vnd darumb so gebieten wir allen Vnfern Mannen vnd Steten hie in der Newen Mareke zu Brandenburg ernstlich vnd bey Vnfern hulden, das sie dye egenanten Vnser Burger von dem Berlyn vnd Koln an fulcher Vnser Gnade, dye wir In also getan haben, nicht hindern sollen in keynerley weis, sunder sye bey fulcher Vnser Gnaden behalden sollen vngehindert. Mit Vrkund dieses Briues, vorsigelt mit Vnser anhangenden Insigel. Geben zu Berlyn, nach crists geburd: Virzenhundert Jar, dornoch in dem Newenden Jare, des Mittwoches vor sant francisci Tage.

Küster's altes und neues Verliß Band IV, Seite 177.

XXVIII. Markgraf Jobst vereignet dem Johanniter-Orden die Bede und den Wagendienst in den Dörfern Mariendorf und Marienfelde, im Jahre 1409.

Wir Jost, von gotes Gnaden Marggraffe zu Brandenburg vnd zu Mehren, des heiligen Romischen Reichs Erz. Camerer, Bekennen öffentlich in diesem briue Allen, die In sehen adir horen lesen, das vor vns komen ist der Erwerdige her Reymer von Guntersberg, Meister sand Johannis Orden, vnd hat vns gebeten, das wir jm, synen nachkomen vnd synen Orden die bete vnd Wagendinste in den dorffern zu Margendorff vnd zu Margenfelde voreygen welden. Des haben wir angesehen syne sifige dinst vnd behelikeit, dy her vns ofte gedan het, tegelichen thut vnd furderlichen thun sal vnd mag in czukunftigen czeiten, darvmm haben wir mit wolbedachtem Mute, guten willen vnd wisen dem egenanten Meister, synen nachkomenden vnd synem orden dy egnante bete vod wagendinte in den vorgeantten dorffern mit aller zugehorunge vnd gerechtigkeit gnediglichen voreygent vnd voreygen in dy mit crafft dises briues, zu haben, czu halden vnd fredelichen czu besitzen czu ewigen czeiten vngehindert. Mit vrkund dieses briues, vorsigelt mit vnserm anhangendem Insigeln. Geben zum Berlin, nach Christs geburt virczehen hundert Jar, darnach in dem newnden Jare.

Aus Fidele's Beitr. IV, 129.

XXIX. Burggraf Friedrich verkauft das Dorf Großen Machenow an Heinrich Donner auf Wiederkauf, am 19. August 1414.

Wir Fridrich etc. Bekennen etc., das wir angesehen haben den trewen dinst, den heinrich dunre, vnser lieber getruwir, vns offte getan hat vnd noch teglich thun wert. Darumb haben wir Im vnd Dorotheen, sin elichen hulfrowen, vnd Irer czwiger erben vorkofft vnd vorkouffen recht vnd redlich mit krafft des briues das dorff groten Machenow, geleygen vff dem Teltow, mit allen gnaden, fruchten, renten, Czinszen, holten, Agkern, weyden, wesen, mit den